

TPM Corporation edar 600 Qamus Digital

Sinar Harian

24 April 2018

TPM Corporation edar 600 Qamus Digital

HULU SELANGOR - Technology Park Malaysia (TPM) Corporation Sdn Bhd mengedarkan 600 Qamus Digital Pro17 kepada 12 sekolah rendah dan menengah di Dun Hulu Bernam.

Ketua Pegawai Eksekutif TPM, Datuk Ir Nohd Azman Shahidin berkata, kamus bertaraf antarabangsa itu dapat membantu pelajar menguasai bahasa Inggeris biasa dan istilah teknikal secara digital.

Menurutnya, dengan perisian mesra pengguna, Qamus Digital Pro17 mempunyai lebih 800,00 penyelesaian perkataan yang meliputi 20 kamus dan dapat disampaikan dalam 21 bahasa.

"Ciri-ciri lain termasuk terjemahan, semakan ejaan, fungsi sebutan selain keupayaan penguasaan membaca, bertutur serta mendengar.

"Produk ini menggabungkan infrastruktur terkini bagi membantu meningkatkan mutu pembelajaran dalam sistem pendidikan dengan mengatasi kelemahan pelajar.

"Inovasi ini dibangunkan bersama MyView System Sdn Bhd dan Universiti Teknologi



(empat kiri) Mohd Azman menyempurnakan majlis penyerahan Qamus Digital Pro17 kepada sekolah berkenaan.

Mara (UTM) Alor Gajah, Melaka di bawah Kementerian Sains, Teknologi dan Inovasi (Mosti),"katanya.

Beliau berkata demikian ketika merasmikan program Aspirasi Pendidikan Digital Felda dan Penyerahan Qamus Digital Pro17 di Dewan Semai Bakti Felda Soeharto.

Hadir sama, Pengarah Seranta Felda, Datuk Mohamad Khairuddin Mohamad dan Ahli Lembaga Pengarah Felda, Datuk Mohd Isa Abu Kassim.

Turut hadir, Ahli Lembaga Pengarah Tabung Haji, Datuk Rosni Sohar dan Pegawai Pendidikan Daerah Hulu Selangor, Abu Mansor Sathri.

Mohd Azman berkata, keupayaan berkomunikasi dalam bahasa Inggeris menjadi kelebihan kepada pelajar kerana bahasa itu digunakan secara meluas di bidang sains, kejuruteraan, perubatan, perdagangan, kewangan serta pelaburan.

Menurutnya, Qamus Digital Pro17 dibangunkan dengan pelaburan berjumlah RM300,000 selepas kajian menyeluruh berhubung kelemahan pelajar dalam persaingan yang kompetitif.

"Kami yakin ia dapat beri kemahiran pelajar,"katanya.